





1

Японы боловсролын тогтолцоо

Өнөөгийн Япон улсын боловсролын тогтолцоо нь ерөнхийдөө 6-3-3-4 буюу бага сургууль 6 жил, дунд сургууль 3 жил, ахлах сургууль 3 жил, их сургууль 4 жилийн хугацаатай байдаг. Бага дунд сургууль нь албан боловсролд ордог. Үүнээс гадна цэцэрлэгт сургуулийн өмнөх боловсрол олгодог.

Япон дахь сургуулийн тогтолцооны зохион байгуулалт



(тэмдэглэл)

- (1) Саарал хэсгүүд нь Заавал боловсрол юм.
- (2) * ахисан түвшний сургалтуудыг заана
- (3) Бүрэн дунд сургууль, Ерөнхий боловсролын сургуулийн дээд хэлтэс, их дээд сургууль, бага коллеж, Тусгай хэрэгцээт боловсролын сургуулиудын бүрэн дунд боловсролын хэлтэс жил ба түүнээс дээш хугацаатай тусдаа хичээлтэй байж болно.
- (4) Сургууль төдийгүй хүүхдийн халамжийн байгууллагын үүрэг гүйцэтгэдэг тул 0-ээс 2 хүртэлх насны хүүхэд бага насны хүүхдийн боловсрол, асрамжийн төвд хамрагдах боломжтой.
- (5) Мэргэшсэн сургалтын коллежийн ерөнхий курс болон төрөл бүрийн сургуульд элсэх насны болон элсэлтийн шаардлагыг нэгдмэл байдлаар тогтоогоогүй байна.

1-1

Бага-дунд сургууль

Улсын бага-дунд сургуулийн элсэлт

- Японы иргэн болох асран хамгаалагч нь 6-аас 15 насны хүүхдээ бага, дунд ангийн сургууль эсвэл зайлшгүй боловсролын байгууллагад боловсрол эзэмшүүлэх үүрэг хүлээдэг.
- Гадаад иргэний хувьд хүүхдээ улсын бага дунд сургууль зэрэгт суралцуулахыг хүссэн тохиолдолд үнэ төлбөргүй (сургалтын төлбөр, сурах бичиг) хүлээж авна.
- Оршин суугаа хот, дүүрэг, орон нутгийн захиргаандаа хандан хүүхдээ Япон дахь улсын сургуульд суралцуулахыг хүсэж байгаагаа илэрхийлээрэй.
- Хот, дүүрэг, орон нутгийн захиргаанаас авсан “Гадаад сурагч элсүүлэх зөвшөөрөл” болон бусад материалыг бүрдүүлэн тойргийн хуваарьт сургуульд хандана уу.
- Японд бага сургууль, дунд сургуулиас гадна бага дунд сургуулийг нийлүүлсэн 9 жилийн албан боловсролыг нэг дороос олгодог сургууль, хөгжлийн бэрхшээлтэй хүүхдүүдийг дэмжих тусгай сургууль байдаг.

(“Оройн дунд сургууль”-ийн талаар 1.4 -ийг үзнэ үү)

Боловсрол, соёл, спорт, шинжлэх ухаан, технологийн яамны “
Гадаад хүүхдүүдийн сургуульд элсэх тухай гарын авлага”

https://www.mext.go.jp/a_menu/shotou/clarinet/003/1320860.htm



Боловсрол, соёл, спорт, шинжлэх ухаан, технологийн яамны
“Гадаад хүүхэд, эцэг эхчүүдэд зориулсан видео бичлэгүүд”

<https://casta-net.mext.go.jp/multilingual-contents/videos-for-learners>



Боловсрол, соёл, спорт, шинжлэх ухаан, технологийн яамны
“CASTA-NET” мэдээллийн хайлтын сайт нь гадаад улс орнуудтай холбоотой хүүхэд,
сурагчдын сурах үйл ажиллагааг дэмжих

<https://casta-net.mext.go.jp/>



1-2

Ахлах сургууль

- Ахлах сургуульд дунд сургууль төгссөн хүн суралцдаг бөгөөд журмын дагуу элсэлтийн шалгалт өгөх шаардлагатай.
- Ахлах сургууль нь сургалтын хэлбэрээсээ хамааран өдрийн, тогтсон цагийн, зайны гэсэн 3 төрөлд хуваагддаг.
- Ахлах сургууль төгссөн хүнд их дээд сургуульд элсэн орох эрх олгогдно.

1-3 Гадаад иргэдийн сургууль

- Бага, дунд, ахлах сургуулиас гадна гадаад хүүхдэд зориулсан сургалтын байгууллага олон янзын хэлбэрээр үйл ажиллагаа явуулдаг бөгөөд зөвхөн гадаад хүүхдүүдэд боловсрол олгоход чиглэсэн байгууллагыг гадаад иргэдийн сургууль гэж нэрлэгддэг.
- Сургууль тус бүр ялгаатай соёл, үндэстний онцлог, хэл, сургалтын агуулга, төгсөөд дэвшиж сурах, ажлын байраар хангах зэрэг туршлагатай байдаг тул хүүхдээ суралцуулахдаа тухайн хүүхдийн онцлогт таарсан сургуулийг сонгох нь зүйтэй болов уу. (Япон дахь гадаад иргэдийн сургуулийг төгссөн хүний их дээд сургуульд орох эрхийн талаар “1.7 Дээд боловсролын сургалтын байгууллага (их сургууль болон бусад)”-ыг үзнэ үү).

Гадаад иргэдийн сургуультай холбогдолтой мэдээллийг дараах вэб сайтаас үзнэ үү.

https://www.mext.go.jp/a_menu/kokusai/gaikoku/index.htm



1-4 Оройн дунд сургууль

- Японд япон болон өөрийн орондоо албан боловсрол эзэмшээгүй, мөн ямар нэг нөхцөл шалтгааны улмаас боловсрол эзэмшиж чадаагүй сургуулийн нас хэтэрсэн иргэдэд суралцах боломж олгодог “оройн дунд сургууль” байдаг.
- 32 аймагт 53 оройн дунд сургууль (2024 оны 4 сарын байдлаар) байдаг
- Ойролцоох оройн дунд сургуульд суралцах хүсэлтэй бол эхлээд өөрийн амьдарч буй хот дүүрэг орон нутгийн захиргааны Боловсролын хорооноос зөвлөгөө авна уу.

Боловсрол, соёл, спорт, шинжлэх ухаан, технологийн яамны цахим хуудас
“Оройн дунд сургуульд суралцах хүсэлтэй танд”

https://www.mext.go.jp/a_menu/shotou/yakan/index_00005.htm



Боловсрол, соёл, спорт, шинжлэх ухаан, технологийн яамны “Дунд сургуулийн оройн ангиудын PR материал” видеоноос эдгээр ангийн талаар үзнэ үү.

https://www.mext.go.jp/a_menu/shotou/yakan/index_00004.htm



1-5 Дунд сургуулийн төгсөлтийн гэрчилгээ олгох шалгалт

- Японы дунд сургууль төгсөөгүй хүнд зориулсан шалгалт юм.
- Уг шалгалтыг жилд нэг удаа зохион байгуулдаг.
- Шалгалтанд тэнцвэл Японы ахлах сургуульд элсэлтийн шалгалт өгөх боломжтой болно.

1-6 Ахлах сургууль төгсөгчдийн үнэмлэх олгох шалгалт

- Японы ахлах сургууль төгсөөгүй хүнд зориулсан шалгалт юм.
- Уг шалгалтыг жилд хоёр удаа зохион байгуулдаг.
- Шалгалтанд тэнцсэн тохиолдолд дараах сургуулиудад элсэлтийн шалгалт өгөх боломжтой болно.

- ① Японы их дээд сургууль, коллеж болон мэргэжлийн сургууль
- ② Ахлах сургууль төгсөгчдөд зориулсан ажилд орох шалгалт, мэргэжлийн үнэмлэхний шалгалт

Тойм мэдээлэл (Англи хэлээр)

https://www.mext.go.jp/a_menu/koutou/shiken/mext_01319.html



1-7

Дээд боловсролын сургалтын байгууллага (Их дээд сургууль болон бусад)

Их дээд сургууль зэрэгт элсэн орох эрх

- Японд “Ахлах сургууль” буюу “Бүрэн дунд боловсролын сургууль” болон нэр заагдсан гадаад иргэдийн сургуулийг (http://www.mext.go.jp/a_menu/koutou/shikaku/07111314/003.htm) төгссөн хүн доорх сургуульд элсэн орох эрх олгогдсонд тооцогдоно.



- ① Их дээд сургууль
- ② Төрөлжсөн сургалттай их дээд сургууль
- ③ Коллеж
- ④ Төрөлжсөн сургалттай коллеж
- ⑤ Мэргэжлийн сургууль (Мэргэшүүлэх сургуулийн дээд түвшний курс) гэх мэт



- Дараах гэрчилгээтэй хүнд дээрх сургуульд элсэн орох эрхтэй хэмээн тооцогдоно.

- ① International Baccalaureate (Олон улсын бакалавриат)
 - ② Abitur (Абитур)
 - ③ Baccalaureate (Бакалавриат)
 - ④ GCEA буюу General Certificate of Education, Advanced-Level (Англи гэх мэт улсын ерөнхий боловсролын А түвшин)
 - ⑤ Олон улсын А түвшин
 - ⑥ Европын бакалавриат
- (Япон дахь “International Baccalaureate”-ийн гэрчилгээтэй боловсролын байгууллагуудын жагсаалт жагсаалт:

<https://ibconsortium.mext.go.jp/about-ib/school/>)



- Дараах байгууллагаас магадлан итгэмжлэгдсэн боловсролын байгууллага (12 жилийн сургалттай)-ыг төгсвөл дээрх сургуулиудад элсэн орох эрхтэйд тооцогдоно.

- ① WASC (The Western Association of Schools and Colleges буюу Барууны дунд сургууль, мэргэжлийн сургуулийн (үнэлгээний) холбоо)
- ② CIS (Council of International Schools буюу Олон улсын сургуулийн үнэлгээний зөвлөл)
- ③ ACSI (Association of Christian Schools International буюу Христийн шашны олон улсын дунд сургуулиудын үнэлгээний холбоо)
- ④ NEASC (New England Association of Schools and Colleges буюу Шинэ Английн сургууль, коллежуудын холбоо)
- ⑤ Cognia буюу боловсролын байгууллагуудын чанар, үр дүнг үнэлэх, сайжруулах чиглэлээр үйл ажиллагаа явуулдаг олон улсын боловсролын байгууллагаОБ
- ⑥ COBIS (Британийн олон улсын сургуулиудын зөвлөл)

Бусад дээд боловсролын сургалтын байгууллага

- Японы дээд боловсролын сургалтын дараах байгууллагууд байдаг бөгөөд тус бүрдээ элсэн орох шалгуурыг тогтоосон байдаг.

- ① Гол төлөв их сургууль төгссөний дараа дэвшин суралцах магистрын түвшин
- ② Гол төлөв их сургууль төгссөний дараа дэвшин суралцах төрөлжсөн сургалттай магистрын түвшин
- ③ Гол төлөв дунд сургууль төгссөний дараа дэвшин суралцах мэргэжлийн ахлах сургууль

1-8

Дээд боловсролын сургалтын байгууллагад элсэн орох шалгалт

- Дээд боловсролын байгууллагад элсэн орохын тулд тухайн дээд боловсролын байгууллагаас зохион байгуулдаг элсэлтийн шалгалт болон бичиг материалын шалгалтыг өгөх шаардлагатай.
- Тухайн сургалтын байгууллагын шийдвэрт үндэслэсэн гадаад хүнд зориулсан тусгай элсэлтийн шалгаруулалт явуулах тохиолдол бий.
- Гадаад оюутны тухайд Япон Улсын Оюутныг Дэмжих Байгууллага (JASSO)-ын зохион байгуулдаг “Гадаад оюутанд зориулсан элсэлтийн ерөнхий шалгалт (EJU)” нь олонх их дээд сургуулийн тусгай элсэн орох шалгаруулалтын үзүүлэлт болон хэрэглэгдэж байна.

Уг тогтолцооны талаар дэлгэрэнгүй мэдээллийг дараах вэб сайтаас үзнэ үү.

<https://www.jasso.go.jp/en/ryugaku/eju/index.html>



2

Боловсролын зардалд үзүүлэх
санхүүгийн дэмжлэг

2-1

Бага, дунд сургуульд суралцах хүүхдэд
зориулсан санхүүгийн тусламж

- Хүүхдийг сургуульд сурхад шаардлагатай сурагчийн хэрэглэл (дүрэмт хувцас, цүнх, бичгийн хэрэгсэл) болон сургуулийн өдрийн хоол зэрэгт зарцуулагдах төлбөрийн нэг хэсгийг тэтгэмжээр авах боломжтой.
- Энэхүү тэтгэмжийг бага дунд сургуулийн хүүхэдтэй асран хамгаалагч бөгөөд орлого багатай өрхөд зориулан өгдөг.
- Оршин сууж буй хот, дүүрэг, орон нутгаас хамаараад тэтгэмж олгох нөхцөл болон мөнгөн дүн нь өөр байдаг.

Уг тогтолцооны талаар дэлгэрэнгүй мэдээллийг дараах веб сайтаас үзнэ үү.

https://www.mext.go.jp/a_menu/shotou/career/05010502/017.htm



2-2

Ахлах сургуульд суралцахад үзүүлэх тэтгэмжийн дүн

- Асран хамгаалагчийн өрхийн жилийн орлого нь 9,100,000 иен хүрэхгүй тохиолдолд ахлах сургуулийн сургалтын төлбөрт зориулах тэтгэмжийг авах боломжтой.
- Улсын ахлах сургуульд суралцаж буй сурагчид сургалтын төлбөрийн хэмжээтэй дүйцэхүйц мөнгөн дүнгээр тэтгэмж авах боломжтой.
- Хувийн ахлах сургуульд суралцаж буй сурагчид асран хамгаалагчийн орлогоос хамаараад олгогдох тэтгэмжийн дүн өөрчлөгддөг.
- Тэтгэмжийн мөнгө авахын тулд хүсэлт гаргах шаардлагатай.
- Дэлгэрэнгүйг суралцаж буй сургуулиас танилцуулах болно.



Уг тогтолцооны талаар дэлгэрэнгүй мэдээллийг дараах вэб сайтаас үзнэ үү.

https://www.mext.go.jp/a_menu/shotou/mushouka/1342674.htm



Англи хэлээр уншихаар бол

https://www.mext.go.jp/a_menu/shotou/mushouka/20220329-mxt_kouhou02-2.pdf



2-3

Ахлах сургуулийн сурагчдын сургалтыг дэмжих тэтгэмж

- Ахлах сургуулийн сурагчийн асран хамгаалагч бага орлоготой бол тухайн сурагчид сурах бичгийн болон хичээлийн хэрэгслийн зардал зэрэг сургалтын төлбөрөөс бусад зардалд зарцуулах мөнгөн тэтгэмж олгоно.
- Авах боломжтой мөнгөн дүн нь суралцаж буй сургуулийн төрөл зэргээс хамааран ялгаатай байна.
- Тэтгэмж авахын тулд хүсэлт гаргах шаардлагатай.
- Дэлгэрэнгүй мэдээллийг сургууль болон оршин суугаа хот, мужийн захиргаанаас лавлана уу.

Уг тогтолцооны талаар дэлгэрэнгүй мэдээллийг дараах веб сайтаас үзнэ үү.

https://www.mext.go.jp/a_menu/shotou/mushouka/1344089.htm

Англи хэлээр уншихаар бол

https://www.mext.go.jp/a_menu/shotou/mushouka/20240326-mxt_kouhou02-2.pdf




2-4

Дээд боловсролын шаталсан тэтгэлэг

- Тэтгэлэг нь улс, орон нутгийн засаг захиргаа, хувийн байгууллагаас олгодог.
- Улсын тэтгэлгийн тогтолцоо нь дараах 2 төрөл байдаг.

- ① Цалин хэлбэрийн тэтгэлэг: Буцаан төлөх шаардлагагүй тогтолцоо.
- ② Зээл хэлбэрийн тэтгэлэг: Зээл олгох хэлбэр бөгөөд буцаан төлөх шаардлагатай тогтолцоо



* Зээл хэлбэрийн тэтгэлэг нь хүү бодогдохгүй (хүүгүй), хүү бодогддог (хүүтэй) гэсэн 2 төрөл байдаг.

- Их дээд сургуульд дэвшин суралцах гадаадын иргэн нь дараах оршин суух зөвшөөрөлтэй бол улсын тэтгэлэгт хамрагдах боломжтой.

- ① Тусгай байнгын оршин суугч
- ② Байнгын оршин суугч
- ③ Япон хүний гэр бүл
- ④ Байнгын оршин суугчийн гэр бүл
- ⑤ Урт хугацааны оршин суугч (байнга оршин суух бодолтой хүн)
- ⑥ Тодорхой шаардлага хангасан гэр бүл (Японд бага сургууль, дунд сургууль, эсвэл ахлах сургууль төгссөн бөгөөд их сургууль төгссөн ч Японд ажиллаж, суурьшихаар төлөвлөж буй хүмүүс)



- Дээрхээс гадна сурлагын дүнгийн болзол болон бусад нөхцлийг хангасан “Оюутан” гэдэг оршин суух зөвшөөрөлтэй хүнд зориулсан цалин хэлбэрийн тэтгэлэг байдаг.

Гадаад иргэдэд зориулсан мэдээллийг дараах веб хуудаснаас үзнэ үү.

https://www.jasso.go.jp/en/ryugaku/scholarship_j/shoreihi/index.html



3

Япон хэл сурах

Та япон хэлтэй бол Японд амьдрахад илүү амар болно. Найз нөхөд, танилын хүрээ нэмэгдэж тэдний тусламж дэмжлэгийг авах боломжтой болохын зэрэгцээ мөрөөдлөө биелүүлэхэд дөхөм болно. Өөрийн хүсэл мөрөөдөлөө биелүүлэн амьдрахын тулд Япон хэлээ цаашид үргэлжлүүлэн сурцгаая.



3-1

Япон хэлний тухай

- Япон хэлэнд хирагана, катакана, ханз, ром үсэг, араб тоо гэсэн 5 төрлийн үсэг байдаг. Хирагана, катакана нь тус бүр 46 болон жижгээр бичих үсэг (жижиг хираганад 4, жижиг катаканад 9 үсэг) байх ба түүнээс гадна жижиг үсэг ` , ° , — гэсэн тэмдэглэгээ байдаг.
- Ханз үсэгт хэцүү үсэг байдаг боловч цээжилвэл олон зүйлд тустай. Эргэн тойронд бичээстэй ханз үсэгнээс эхлээд бага багаар сонирхолтойгоор цээжилж сурцгаая.
- Ром үсэг нь цахим шуудан, цахим сүлжээ гэх мэтийн үсгийг бичихэд ихээхэн хэрэглэгдэнэ.
- Японд амьдрахдаа оршин суугаа бүс нутаг дахь газар болон гудамжны нэр (дуудлага болон тэмдэглэгээний ханз гэх мэт үсэг)-ийг мэдэж байх нь маш чухал. Мөн тухайн бүс нутагт хэрэглэдэг "нутгийн аялгуу" олон байдаг бөгөөд тус үг хэллэгийг мэддэг болох нь амьдралд чинь хэрэг болно. Нутгийн аялгууны талаар орон нутгийн япон хэлний сургалт болон нутгийн иргэдтэй харилцан ярилцаж, эзэмшиж авах нь зүйтэй.
- Үүнээс гадна япон хэлэнд хүндэтгэлийн хэллэг гэж байдаг. Харилцаж буй хүнтэй ямар харилцаа, байр суурьтай гэдэгт нийцүүлэн оновчтой хүндэтгэлийн хэллэгийг хэрэглэж сурах нь зүйтэй.

3-2

Япон хэлний сургалтын зорилтын хүрээ

- Та бүхэнд япон хэлийг сурахад дөхөм болгох зорилгоор 2021 оноос CEFR (Common European Framework of Reference for Languages: Learning, teaching, assessment: Европын хэлнүүдийн нийтлэг шалгуур) стандартаас шинээр санаа авч боловсруулсан "Япон хэлний боловсролын зорилтын хүрээ"-г тогтоолоо.
- Энэ нь япон хэлний 6 түвшин (A1-C2) болон япон хэлний чадварын чиглэл ("сонсох", "унших", "ярих (харилцан яриа)", "ярих (илтгэх)", "бичих") тус бүрээр сургалтын агуулга, хичээллэх зорилтыг тодорхойлсон зүйл болно.
 - * Та үүнийг ашиглан япон хэлний түвшнээ мэдэж, цаашдын сургалтын зорилгоо тодорхойлохдоо нэмэр болгоно уу.
- Бид "Сэйкацү хийж чадна" хэмээх лавлагааны тогтолцоог ашиглах гарын авлага, "Нихонгогоо шалгацгаая!" хэмээх япон хэлний өөрийгөө үнэлэх хэрэгсэл зэрэг материал бэлдэж, ашиглахад бэлэн болголоо.

Япон хэлний боловсролын лавлагааны тогтолцоо, удирдамж, Сэйкацү хийж чадна болон бусад

https://www.nihongo-ews.mext.go.jp/information/framework_of_reference



C2	Сонссон, уншсан бараг бүх зүйлийг хялбархан ойлгож чаддаг. Зөнгөөрөө, зөв зохистой, саадгүй чөлөөтэй, өөрийгөө илэрхийлж чаддаг ба маш төвөгтэй зүйлийн нарийн утгыг ялгаж салгаж илэрхийлэх боломжтой.
C1	Төрөл бүрийн өндөр түвшний агуулгын нэлээд урт өгүүлэмжийг ойлгож, санааг нь олж мэдэж чаддаг. Ярихдаа үг эрж бус өөрийгөө саадгүй, чөлөөтэй илэрхийлж чаддаг. Нийгэм, эрдэм шинжилгээ, ажил мэргэжлийн зорилтод нийцүүлэн уян хатан байдлаар, хэлээ үр дүнтэй хэрэглэж чаддаг.
B2	Өөрийн мэргэжлийн хүрээнд нарийн мэргэжлийн сэдвээр мэтгэлцэх зэрэг хийсвэр эсвэл тухайлсан агуулга бүхий төвөгтэй өгүүлэмжийн гол агуулгыг ойлгож чаддаг. Япон хэлээр боловсон, чадвартай хүнтэй биеэ барьсан байдалгүйгээр харилцан ярилцах, мөн төдий чинээгээр чөлөөтэй, урсгалаараа ярих боломжтой.
B1	Ажил, сургууль дээр болон зугаа цэнгээн зэрэг энгийн үед тохиолддог ойр зуурын сэдвээр, стандарт аялгаар яригдсан бол гол санааг ойлгож чаддаг. Өөртөө ойр бөгөөд хувь хүнд сонирхолтой сэдвээр хялбар аргаар холбож, эмх цэгцтэй өгүүлэмжийг зохиох боломжтой.
A2	Хүний болон гэр бүлийн тухай маш энгийн мэдээлэл, дэлгүүрээс юм худалдаж авах, хөрш зэргэлдээ газар, ажлын байр зэрэг өөртөө шууд холбоотой зүйлийн талаар тогтмол хэрэглэгддэг өгүүлбэр, хэлц хэллэгийг ойлгодог. Хялбар буюу өдөр тутмын хүрээнд, ойр зуур энгийн нөхцөлд болдог зүйлийн талаар мэдээлэл солилцож чаддаг.
A1	Тодорхой хэрэгцээг хангахын тулд хэвшмэл болсон өдөр тутмын хэлц хэллэгийг ойлгож, хэрэглэж чаддаг. Хэрэв цаад тал нь удаан, тод ярьж, яриагаа үргэлжлүүлэхэд тусалдаг бол энгийн харилцан яриаг хийх боломжтой.

3-3

Япон хэл сурах боломж

Япон хэлний сургалтад хамрагдсанаар хэл сурахын зэрэгцээ амьдралд хэрэгтэй мэдээлэл олж, найз нөхөдтэй болох боломжтой болдог. Ойролцоох япон хэлний сургууль болон япон хэлний сургалтын газрыг хайж үзнэ үү.

Мөн сүүлийн үед нийтийн сүлжээ ашиглан зайны сургалт болон интернет сургалтаар дамжуулж япон хэл сурах хүн нэмэгдэж байна. Өөрийн нөхцөл байдалд тохирсон сурах аргыг олно уу.

(1) Япон хэлний сургууль

- Дэвшин суралцах болон ажилд орох, шалгалтанд бэлтгэх гэх мэт сурах зорилгоор нь ангилсан анги байдаг.
- Анхан шатнаас аваад өндөр түвшний япон хэлийг сурах боломжтой.
- Анги болон бүлгээр, эсвэл ганцаарчилсан сургалтыг сонгох боломжтой.
- Япон хэлний сургууль нь төлбөртэй байдаг.

(2) Орон нутаг дахь япон хэлний сургалт

- Орон нутгийн засаг захиргаа болон Олон улсын харилцааны нийгэмлэг, тусгай ашгийн бус сайн дурын байгууллагууд япон хэлний дамжааг зохион байгуулдаг.
- Олон нийтийн төв болон сургуулийн сул анги, христийн сүм, сайн дурын байгууллага зэрэг газруудад сургалт явуулдаг.
- Ихэнхдээ сайн дурын багш нар хичээл заадаг.
- Төлбөргүй сургалт бас бий. Япон хэлний сургуулиас хямд байдаг.
- Хичээл нь долоон хоногт 1-2 удаа, 1 удаад 1-2 цаг хичээллэнэ.

Орон нутаг тус бүрийн япон хэлний боловсролыг хариуцсан хэлтэс тасаг, бүс нутаг дахь япон хэлний сургуулиудын жагсаалтыг дараах сайтаас үзнэ үү.

https://www.bunka.go.jp/seisaku/kokugo_nihongo/kyoiku/nihongokyoiku_tanto/pdf/93036701_01.pdf



* Япон хэлний сургалтын газар хайхдаа дараах зүйлсийг анхаарна уу.

①Сургалтын газрын нэр ②Зохион байгуулагч ③Газар ④Холбоо барих дугаар, хаяг, и-мэйл ⑤Холбоо барих арга ⑥Харилцах хэл ⑦Хугацаа ⑧Давтамж ⑨Гараг болоод цаг ⑩Элсэлтийн нөхцөл ⑪Төлбөр ⑫Танхимын хэлбэр (бүлэг, ганцаарчилсан гэх мэт) ⑬Хүний тоо ⑭Түвшин ⑮Багш ⑯Агуулга ⑰Машины зогсоол, хүүхэд харах үйлчилгээтэй эсэх гэх мэт.

(3) Зайны сургалт

Ажил болон хүүхэд асарч байгаагаас шалтгаалан япон хэлний сургалтын төвд хичээл авах боломжгүй нөхцөлд цахим холбоо ашигласан зайны сургалт, интернет сургалтаар япон хэл сурах боломжтой. Сургалтын төлбөр болон сургалтын хэлбэр нь олон янз байдаг тул өөрт тохирсон аргыг хайж үзнэ үү.

3-4

Япон хэлний сургалтын вэб хуудас “Харилцаа өргөн хэрэглээ, Япон хэлээр амьдрах” (Товчлоход “Цүнахино”)

Японд оршин суух гадаадын иргэд япон хэлээр харилцах болон амьдрах чадварыг сайжруулах зорилгоор япон хэл сурахад чиглэсэн вэб сайт юм.

Өөрт тохирсон япон хэлний түвшнээр, харилцан ярианы жишээнүүдээс сонгож, мөн түлхүүр үгээр хайлт хийж дүрс бичлэг, харилцан ярианы сургалтын материалаас сонгон суралцах боломжтой. Сургалтаар суралцсан зүйлээ та бодит байдлаар хэрэглэхийг хичээвэл таны нийгэм дэх харилцаа, амьдралын цар хүрээ тэлэх болно.

- О Ямар хэлээр тайлбарлагдсан:** Япон, Хятад (хялбаршуулсан), Хятад (уламжлалт), Англи, Филиппин, Франц, Индонез, Кхмер (Камбож) хэл, Солонгос, Монгол хэл, Мьянмар, Балба, Португал, Орос, Испани, ай, Украи, Вьетнам хэл, (нийт 18 хэл)
- О Ямар тохиолдлын яриа:** мэндчилгээ, худалдан авалт, банк, засаг захиргаа, хүүхэд асрах гамшгаас сэргийлэх зэрэг амьдрал дээр тохиолдох нөхцөл байдлууд

Япон хэл сурах веб хуудас болох “Харилцаа өргөн хэрэглээ, Япон хэлээр амьдрах”-аас

<https://tsunagarujp.mext.go.jp>



3-5

Япон хэлний боловсролын лавлагааны тогтолцоонд тулгуурласан "Нихонгогоо шалгацгаая!" япон хэлний өөрийгөө үнэлэх хэрэгсэл

Энэхүү онлайн систем нь Японд болон бусад улсад байгаа япон хэл суралцагч нарт зориулсан өөрийгөө шалгах хэрэгсэлтэй бөгөөд уг хэрэгслийг хэрэглэгчид "Би чадна" хэсгийн асуултад хариулж, япон хэлнийхээ чадварыг шууд үнэлүүлэх боломжтой. Энэхүү хэрэгсэл нь хувь хүнийг үр дүнд тулгуурлан суралцах, япон хэл сурах зорилгоо тогтооход нь туслах зориулалттай юм.

Япон хэлний боловсролын лавлагааны тогтолцоо нь зургаан түвшинтэй (A1 - C2) бөгөөд сонсох, унших, ярих (харилцан яриа, өөрийгөө илэрхийлэх), бичих гэсэн таван төрлийн хэлний дасгалтай. Япон хэл суралцагчид хэлний чадвар үнэлэх дөрвөн онооны үнэлэмжтэй дараах асуултад хариулах замаар хэлний чадвараа үнэлэх боломжтой: "1. Би чадахгүй," "2. Би арай гэж хийж байна," "3. Хэцүү боловч хийчихлээ," and "4. Би чадаж байна."

О Дэмждэг хэлнүүд:

Япон хэлийг оруулаад нийт 14 хэлээр ашиглах боломжтой. Хятад, Англи, Филиппин, Индонез, Кхмер, Солонгос, Монгол, Бирм, Балба, Португал, Испани, Тайланд, Вьетнам, Япон (фуригана үсгээр бичигдсэн).

Дараах хуудаснаас өөрийн хэлний түвшнийг шалгана уу.

<https://www.nihongo-check.bunka.go.jp/>



Япон хэлний түвшин тогтоох өөрийгөө үнэлэх
хэрэгсэл

LANGUAGE

Монгол Монゴル語

Япон хэлний түвшингээ шалгаарай!

Япон хэлний одоогийн түвшингээ шалгаарай

Шалгахасаа өмнө

